



REPUBLIKA E SHQIPËRISË  
MINISTRIA E FINANCËVE DHE EKONOMISË  
DREJTORIA E PËRGJITHSHME E PRONËS PUBLIKE  
DREJTORIA E ADMINISTRIMIT TË PRONËS SHTETËRORE

Nr. 3498/5 Prot.

Tiranë, më 19.6.2023

Lënda: Dërgohet për zbatim Vendimi i Këshillit të Ministrave nr.349, datë 07.06.2023

SHOQËRISË “TRAJTIMI I STUDENTËVE” SHA ✓

Për dijeni:

BASHKISË

VLORË

VLORË

Bazuar në Vendimin e Këshillit të Ministrave nr.349, datë 07.06.2023 “Për transferimin e pronësisë së 100% të aksioneve të shoqërisë “Trajtimi i Studentëve” sha Vlorë nga Ministria e Financave dhe Ekonomisë te Bashkia Vlorë”, pronësia e shoqërisë “Trajtimi i Studentëve” sha Vlorë i ka kaluar Bashkisë Vlorë.

Sa më sipër, kërkohet të bëhet ndryshimi i të gjitha neneve të Statutit të shoqërisë “Trajtimi i Studentëve” sha Vlorë, ku togfjalëshi “Ministria e Financave dhe Ekonomisë (Asambleja e Përgjithshme e Aksionarit)”, të zëvendësohet me “Bashkinë Vlorë (Asambleja e Përgjithshme e Aksionarit)”. Statuti i ndryshuar të depozitohet në Qendrën Kombëtare të Biznesit.

Kompetencat e Asamblesë së Përgjithshme nga data e daljes së Vendimit të Këshillit të Ministrave nr.349, datë 07.06.2023, ushtrohen nga Bashkia Vlorë.

Duke ju falënderuar për mirëkuptimin,

SEKRETAR I PËRGJITHSHËM

Risena XHAJA





REPUBLIKA E SHQIPËRISË  
KËSHILLI I MINISTRAVE

V E N D I M

3496/4  
9.6.23

Adi Prace

Nr. 349, datë 7.6.2023

P Ë R

**TRANSFERIMIN E PRONËSISË SË 100% TË AKSIONEVE  
TË SHOQËRISË “TRAJTIMI I STUDENTËVE”, SH.A., VLORË,  
NGA MINISTRIA E FINANCEVE DHE EKONOMISË TE BASHKIA  
VLORË**

Në mbështetje të nenit 100 të Kushtetutës, të nenit 4, të ligjit nr.7926, datë 20.4.1995, “Për transformimin e ndërmarrjeve shtetërore në shoqëri tregtare”, të ndryshuar, të neneve 3 e 4, të ligjit nr.8744, datë 22.2.2001, “Për transferimin e pronave të paluajtshme publike të shtetit në njësitë e qeverisjes vendore”, të ndryshuar, dhe të ligjit nr.9901, datë 14.4.2008, “Për tregtarët dhe shoqëritë tregtare”, të ndryshuar, me propozimin e ministrit të Financave dhe Ekonomisë, Këshilli i Ministrave

V E N D O S I:

1. Transferimin e pronësisë së 100% të aksioneve të shoqërisë “Trajtimi i studentëve”, sh.a., Vlorë, nga Ministria e Financave dhe Ekonomisë te Bashkia Vlorë, me të gjitha të drejtat dhe detyrimet, në momentin e hyrjes në fuqi të këtij vendimi.

2. Ngarkohen Ministria e Financave dhe Ekonomisë dhe Bashkia Vlorë për zbatimin e këtij vendimi.

Ky vendim hyn në fuqi menjëherë dhe botohet në "Fletoren zyrtare".

**KRYEMINISTRI**

**EDI RAMA**

Në mungesë dhe me porosi

**ZËVENDËSKRYEMINISTRI**

**BELINDA BALLUKU**

**MINISTRI I FINANCAVE  
DHE EKONOMISË**


**DELINA IBRAHIMAJ**

NR.PROT. 1360/2  
DATE 7.6 2023

MINISTRISË SË FINANCAVE DHE EKONOMISË  
BASHKISË VLORË  
QENDRËS SË BOTIMEVE ZYRTARE

Sekretari i Përgjithshëm

Engjell AGAÇI





REPUBLIKA E SHQIPËRISË  
BASHKIA VLORË  
KRYETARI

Nr. 11765 prot.

Vlorë, më 04.10 2023

**VENDIM I ASMBLESË SË PËRGJITHSHME**

Nr. 04 Datë 02/10/2023

**MIRATIM I NDRYSHIMEVE NE STATUT**

Mbështetur në Ligjin Nr.9901,datë 14.04.2008 “Për tregtarët dhe shoqëritë tregtare” i ndryshuar, neni 135, pika 2, gërma b, Vendim Nr.349, datë 07.06.2023 “Për transferimin e pronësisë së 100% te aksioneve të shoqërisë “Trajtimi i Studentëve”, Sh.a Vlorë, nga Ministria e Financave dhe Ekonomisë te Bashkia Vlorë”, me cilësinë e aksionerit të vetëm të shoqërisë “Trajtimi i Studentëve”, Sh.a Vlorë, dhe shkresës nr.3496/5 prot, dt,19.06.2023 të Drejorisë së Administrimit të Pronës Shtetërore.

**VENDOSA**

- Të miratohen ndryshimet e statutit të shoqërisë Trajtimi i Studentëve”, Sh.a Vlorë, referuar Vendimit Nr.349, datë 07.06.2023 “Për transferimin e pronësisë së 100% te aksioneve të shoqërisë “Trajtimi i Studentëve”, Sh.a Vlorë, nga Ministria e Financave dhe Ekonomisë te Bashkia Vlorë”, me cilësinë e aksionerit të vetëm të shoqërisë “Trajtimi i Studentëve”, Sh.a Vlorë, dhe shkresës nr.3496/5 prot, dt,19.06.2023 të Drejorisë së Administrimit të Pronës Shtetërore.

- Në zbatim të Ligjit Nr.9723, datë 03.05.2007, i ndryshuar “Për Qendrën Kombëtare të Regjistrimit” Seksioni III, regjistrimi fillestar, neni 32,36, të bëhen ndryshimet përkatëse në regjistër.
- Ky vendim hyn në fuqi menjëherë.

**KRYETARI**

**Ermal DREDHA**



OK. 60/2 prot  
dt. 29.09.2023

# STATUT

## “TRAJTIMI I STUDENTËVE”, SHA VLORË

Shoqëri Aksionare  
Me Këshill Mbikëqyrës  
(Sistemi me dy nivele)

Në këtë statut:

- “Ligji” është Ligji Nr. 9901, dt. 14.04.2008 “Për tregtarët dhe shoqëritë tregtare”;
- VKM Nr. 349, datë 07/06/2023 “Për transferimin e pronësisë së 100% të aksioneve të shoqërisë “Trajtimi i Studentëve” sha Vlorë, nga Ministria e Financave dhe Ekonomisë te Bashkia Vlorë”
- “Statuti” është statuti i shoqërisë;
- “aksionarë” janë personat emrat e të cilëve janë regjistruar në regjistrin e aksioneve të shoqërisë si zotërues të aksioneve;
- “Ditë të Plota” në lidhje me periudhën e një njoftimi është periudha që nuk e përfshin ditën kur është dhënë ose kur konsiderohet se është dhënë njoftimi dhe ditën për të cilën është dhënë ose hyn në fuqi njoftimi.

### Kreu I

**Themelimi, Emri, Objekti, Kohëzgjatja, Selia dhe adresa e faqes së internetit**

#### Neni 1

#### **Data e Themelimit, Emri dhe Themeluesit**

a- Sot, më dt.18.07.2005, ne, themeluesit, kemi krijuar një shoqëri aksionare me emrin Trajtimi i Studenteve Vlore Sha:

*Numri i Vendimit: 33831, Gjykata: Tiranë*

*Data e Regjistrimit: 18.07.2005*

*Emri i Subjektit: "TRAJTIMI I STUDENTËVE" Vlorë;*

*Forma Ligjore: S.H.A*

*Data e Themelimit: 18.07.2005*

*Kohëzgjatja: Pa afat*

*Selia: Vlorë*

*Kapitali i nënshkruar: 267.531.000 leke*

*Objekti: Furnizimi dhe trajtimi i studenteve me ushqim, fjetje dhe shërbime të tjera;*

b- Themeluesit e shoqërisë:

- **BASHKIA VLORË**, në cilësinë e aksionerit të vetëm të shoqërisë, në zbatim të VKM Nr. 349, datë 07/06/2023 “Për transferimin e pronësisë së 100% të aksioneve të shoqërisë “Trajtimi i Studentëve” sh.a Vlorë nga Ministria e Financave dhe Ekonomisë te Bashkia Vlorë.

## **Neni 2**

### **Objekti**

Shoqëria do të kryejë aktivitetin e mëposhtëm:

Trajtimi i studenteve me fjetje dhe shërbime të tjera.

## **Neni 3**

### **Kohëzgjatja**

Kohëzgjatja e Shoqërisë do të jetë me afat të pacaktuar

## **Neni 4**

### **Selia, Adresa e faqes së internetit dhe Adresa Elektronike**

1. Selia e Shoqërisë ndodhet në adresën: Lagja "Isa Boletini", Rruga "Sulejman Delvina", Vlorë
2. Adresa e faqes së internetit të Shoqërisë është:
3. Adresa e Shoqërisë për qëllime komunikimi elektronik është si vijon: [trajtimi.studentit.vlore@gmail.com](mailto:trajtimi.studentit.vlore@gmail.com)

## **Kreu II**

### **Kapitali i Regjistruar**

## **Neni 5**

### **Vlera dhe pagesat e kapitalit të regjistruar**

1. Kapitali i regjistruar i shoqërisë është:

Vlera e kapitalit ishte "305.652.000,00" u bë "267.531.000,00"

Numri i aksioneve ishte "305.652,00" u bë "267.531,00"

Vlera e përgjithshme e paguar e kapitalit ishte "305.652.000,00" u bë "267.531.000,00"

Kane ndodhur ndryshimet e mëposhtme tek ortakët juridik:

Kane ndryshuar të dhënat për ("Ministria e Ekonomisë, Tregëtisë dhe Energjetikës"),

Kontributi në para ishte ("305.652.000,00") u bë ("267.531.000,00")

Kane ndryshuar të dhënat për ("Ministria e Ekonomisë, Tregëtisë dhe Energjetikës"),

Numri i aksioneve ishte ("305.652.000,00") u bë ("267.531,00")



Kapitali i regjistruar i shoqërisë është: "267.531.000" i ndarë në 267.531 aksione të zakonshme me vlerë nominale 1.000 secili. Aksionet e themeluesve në kapitalin e shoqërisë janë në përputhje me kontributin e tyre të mëposhtëm:

a. Aksionari themelues BASHKIA VLORE, në cilësinë e aksionerit të vetëm të shoqërisë:

b. Lloji i kontributit: numri i aksioneve 267.531,000 dhe vlera e aksioneve: "267.531.000" vlera e kontributit: 100%

Numri i përgjithshëm i aksioneve: 267.531,000

kapitali i regjistruar: 267.531.000,00 leke

vlera e paguar:

2. 25% e vlerës së kontributeve në para do të paguhet menjëherë. Kontributet në natyrë do të kalojnë për llogari të Shoqërisë përpara regjistrimit. Kontributet në natyrë të cilat do të kalojnë në dobi të Shoqërisë të sapokrijuar do të kryhen menjëherë pas regjistrimit në QKR.

3. Pagesat e kontributeve në para do të kryhet në llogarinë numër 110114 pranë Bankës CREDINS BANK

4. Aksionarët themelues i drejtohen gjykatës kompetente sipas vendndodhjes të selisë së Shoqërisë për të caktuar një ekspert të pavarur të licencuar për vlerësimin e kontributeve në natyrë. Raporti i ekspertit depozitohet në QKR së bashku me këtë statut.

## Neni 6

### Kërkesa për të paguar aksionet dhe tërheqja e aksioneve të papaguara

1. Administratorët mund t'u kërkojnë aksionarëve pagimin e kontributeve të pashlyera në lidhje me aksionet e tyre dhe çdo aksionar (pas marrjes së njoftimit prej 14 Ditësh të Plota në të cilin përcaktohet koha dhe vendi i kryerjes së pagesës) i paguan shoqërisë shumën e kërkuar për aksionet e zotëruara. Njoftimi për pagesë mund të parashikojë shlyerjen me këste të kontributeve të papaguara. Personi të cilit i drejtohet njoftimi për pagesën e kontributit do të jetë përgjegjës për njoftimet që i drejtohen atij pavarësisht kalimit të mëposhtëm të pronësisë së aksioneve me të cilat lidhet njoftimi për pagesë.

2. Zotëruarit e përbashkët të një aksioni do të jenë përgjegjës bashkërisht dhe në mënyrë solidare për shlyerjen e kontributeve, sipas njoftimit të mësipërm.

3 Në rast se pas njoftimit për shlyerjen e kontributeve pagesa përkatëse nuk kryhet brenda afatit të parashikuar, personi përgjegjës për shlyerjen e kontributeve do të paguaje një interes mbi shumën e papaguar me një kamatëvonesë prej 4% në vit duke filluar nga dita e parashikuar për pagesën.

4. Në rast se pas njoftimit për shlyerjen e kontributeve, pagesa përkatëse nuk kryhet brenda afatit të parashikuar, Administratorët mund të njoftojnë paraprakisht të paktën tridhjetë Ditë të Plota personin përgjegjës për shlyerjen e kontributeve, duke i kërkuar pagesën e shumës së pashlyer së bashku me shumën e mundshme shtesë të kamatëvonesës. Njoftimi do të përmbajë vendin ku duhet të kryhet pagesa dhe deklarinimin

se në rast se moszbatimi të tij, pasojat ligjore do të jenë ato të parashikuara në pikën 2 dhe 3 të nenit 124 të Ligjit.

5. Nëse pagesa nuk kryhet brenda afatit të parashikuar në pikën 3 të nenit 124, aksioni me të cilin lidhet njoftimi mund të anulohet me vendim të Administratorëve dhe anulimi do të përfshijë të gjithë dividendët ose shumat e tjera të pagueshme në lidhje me aksionet e anuluar dhe të papaguara deri në momentin e anulimit.

6. Anulimi i aksionit sjell zvogëlimin e kapitalit themelitar të Shoqërisë, në përputhje me parashikimin e nenit 186 të Ligjit.

7. Personi, aksionet e të cilit janë anuluar, humbet cilësinë e aksionarit lidhur me këto aksione por do të jetë përgjegjës ndaj Shoqërisë për të gjitha kontributet që do të shlyheshin nga ky aksionar ndaj shoqërisë në datën e anulimit të aksioneve së bashku me kamatëvonesën e llogaritur për këto kontribute përpara anulimit të aksioneve.

## **Neni 7**

### **Llojet e Aksioneve, Obligacioneve, të Drejtave dhe Kufizimeve**

1. Në përputhje me dispozitat e Ligjit dhe pa cënuar të drejtat që rrjedhin nga aksionet ekzistuese, aksionet e reja mund të emtohen me të drejtat ose kufizimet e parashikuara në vendimin e Asamblesë së Përgjithshme, të marrë me shumicën e kualifikuar (tre të katërtat) të votave të aksionarëve.

2. Asambleja e Përgjithshme, me të njëjtën shumicë të kualifikuar votash, mund të vendosë emtimin e obligacioneve të cilat u garantojnë zotëruesve të tyre të drejtën për t'i kthyer në aksione ose të drejtën e parablerjes për aksionet (obligacionet e kthyeshme) dhe obligacionet që bëjnë të mundur pjesëmarrjen e zotëruesve të tyre në ndarjen e fitimeve në dobi të aksionarëve (obligacionet me pjesëmarrje në fitim).

## **Neni 8**

### **Çertifikatat e aksioneve**

Secili aksionar, që zotëron aksione, ka të drejtë të përfitojë një certifikatë për të gjitha aksionet e çdo klase të zotëruara nga ai, me pagesën e një shume që do të përcaktohet nga Asambleja e Përgjithshme. Shoqëria nuk është e detyruar të lëshojë më shumë se një certifikatë për aksionet e zotëruara bashkërisht nga disa persona dhe dorëzimi i certifikatës ndaj përfaqësuesit të zotëruesve të përbashkët të aksioneve do të konsiderohet si dorëzim i kryer ndaj të gjithë zotëruesve të aksioneve, në përputhje me pikën 1 të nenit 121 të Ligjit. Emrat e zotëruesve të përbashkët të aksioneve do të renditen në certifikatën e aksionit. Në këtë rast zbatohen dispozitat e pikës 2 të nenit 117 të Ligjit.

## Neni 9

### Regjistri i aksioneve

Administratori i mëposhtëm, i caktuar në pajtim me pikën 3 të nenit 18 të këtij Statuti, është përgjegjës për krijimin e funksionimin e regjistrit të aksioneve, në përputhje me nenin 119 të Ligjit, deri në momentin e emërimit nga Asambleja e Përgjithshme e Aksionarëve të Administratorit të ngarkuar me detyrën e mbajtjes së regjistrit të aksioneve.

- Alketa Selami

## Neni 10

### Kalimi me Kontratë i Aksioneve

Kontrata e kalimit të aksionit bëhet me shkrim dhe sipas formaliteteve të përcaktuara nga Administratori përgjegjës për mbajtjen e regjistrit të aksioneve të Shoqërisë dhe do të zbatohet nga dhe për llogari të personit që kalon aksionet ose nga personi i autorizuar prej tij dhe nga e për llogari të personit të cilit i kalohen aksionet ose nga personi i autorizuar prej tij, nëpërmjet regjistrimit në regjistrin e aksioneve të shoqërisë në përputhje me nenin 119 të Ligjit.

## Neni 11

### Kalimi i aksioneve me Trashëgimi ose Falimentim

1. Nëse një aksionar vdes, trashëgimtari ose trashëgimtarët në rastin e bashkëzotërimit të aksioneve, dhe përfaqësuesit e tij në rast se ky person ishte zotërues ose trashëgimtar i vetëm, do të jenë personat e vetëm të njohur nga Shoqëria si gëzues i të drejtave mbi aksionin e tij; pavarësisht parashikimeve të këtij statuti, pasuria e aksionarit të vdekur nuk çlirohet nga përgjegjësia në lidhje me çdo aksion të bashkëzotëruar me persona të tjerë.
2. Personi që fiton të drejtën mbi një aksion si pasojë e vdekjes ose falimentimit të një aksionari, pas paraqitjes së provave të kërkuara nga Administratori, mund të zgjedhë të bëhet zotërues i aksionit ose të kërkojë regjistrimin e aksionit në emër të një personi tjetër të caktuar prej tij si përfitues i aksionit. Nëse personi i mësipërm zgjedh të bëhet zotërues i aksionit, ai njofton shoqërinë në lidhje me këtë zgjedhje. Nëse ky person zgjedh që një person tjetër të regjistrohet si zotërues i aksionit, ai e kalon aksionin në dobi të personit tjetër.
3. Personi që fiton të drejta mbi një aksion si pasojë e vdekjes ose falimentimit të një aksionari gëzon të drejtat që gëzonte zotëruesi i aksionit, duke përjashtuar të drejtën e

pjesëmarrjes ose të votës në çdo mbledhje të Asamblesë së Përgjithshme të Shoqërisë ose mbledhjeve të posaçme së aksionarëve të çdo klase aksionesh, deri në momentin e regjistrimit në regjistrin e aksioneve të Shoqërisë si zotërues i aksionit.

## **Neni 12**

### **Zmadhimi dhe Zvogëlimi i Kapitalit Themeltar**

1. Administratori/ët, deri në tre vjet nga data e themelimit të Shoqërisë, mund të rrisin kapitalin themeltar të Shoqërisë deri në shumën . Pas përfundimit të kësaj periudhe, kjo e drejtë duhet të rinovohet me shumicën e kualifikuar të votave së Asamblesë së Përgjithshme.
2. Kur emetohen aksione të reja, këto aksione iu ofrohen aksionarëve ekzistues përpara se t'u ofrohen aksionarëve të tjerë të rinj, në pajtim me nenin 174 të Ligjit. Aksionet e reja iu ofrohen aksionarëve sipas numrit të aksioneve që zotërojnë përpara ofertës. Oferta që iu bëhet aksionarëve ekzistues duhet të pranohet brenda 20 ditësh.
3. Aksionet të cilat, në momentin e miratimit të vendimit të përmendur në pikën 1 të këtij neni, nuk janë pranuar ose nuk është rënë dakord të pranohen nga asnjë aksionar, mund të anulohen dhe kapitali themeltar zvogëlohet në përputhje me vlerën e aksioneve të anuluar.
4. Në pajtim me Ligjin, Asambleja e Përgjithshme mund të vendosë zvogëlimin e kapitalit themeltar të shoqërisë me shumicën e kualifikuar të votave, të përcaktuara në fjalinë e dytë, pika 1, të këtij neni.

## **Kreu III**

### **Asambleja e Përgjithshme**

## **Neni 13**

### **Thirrja e Asamblesë së Përgjithshme**

1. Asambleja e Përgjithshme thirret nga Administratorët, të paktën dy herë në vit. Këshilli Mbikëqyrës mund të thërrasë Asamblenë e Përgjithshme në rastet e parashikuara në nenin 136 të Ligjit. Administratorët thërresin menjëherë Asamblenë e Përgjithshme në rast se kërkohet nga aksionarët e përcaktuar sipas pikës 1 të nenit 139 të Ligjit.
2. Mbledhja e Asamblesë së Përgjithshme thirret nëpërmjet një njoftimi të dërguar me postë ose postë elektronike (*email*) drejtuar çdo aksionari, përfshirë edhe përfaqësuesin e aksioneve në zotërim të përbashkët. Njoftimi duhet të kryhet të paktën njëzet e një Ditë të Plota përpara datës së caktuar për mbledhjen. Secilit aksionar, së bashku me njoftimin për mbledhjen, i dërgohet edhe numrat PIN për të mundësuar pjesëmarrjen dhe votimin elektronik në mbledhje.

3. Mbledhjet e Asamblesë së Përgjithshme janë të pavlefshme në rast moskryerje të paqëllimshme së njoftimit apo mos-marrjes së njoftimit të mbledhjes nga personat të cilët kanë të drejtë të marrin këtë njoftim, me përjashtim të rastit kur shoqëria provon se personi i ka dhënë shoqërisë një adresë të pasaktë.

## Neni 14

### Mbledhjet e Asamblesë së Përgjithshme

1. Asambleja e Përgjithshme merr vendime të vlefshme vetëm me arritjen e kuorumit të parashikuar nga neni 144 i Ligjit. Aksionarët ose përfaqësuesit e autorizuar mund të marrin pjesë nëpërmjet mjeteve elektronike, përfshirë telekonferencën (*conference call*), audio ose audio-video, në përputhje me nenin 142 të Ligjit. Aksionarët që marrin pjesë me mjete komunikimi elektronik kanë të drejtë të votojnë nëpërmjet numrit PIN që iu është dërguar së bashku me njoftimin për mbledhjen e Asamblesë së Përgjithshme.

2. Asambleja e Përgjithshme e Aksionarëve cakton një Administrator si Kryetar të mbledhjes si edhe një person për të mbajtur procesverbalin e mbledhjes.

3. Nëse asnjë prej Administratorëve nuk dëshiron të caktohet si Kryetar i mbledhjes ose nëse asnjë prej Administratorëve nuk është i pranishëm për pesëmbëdhjetë minuta duke filluar nga ora e caktuar për fillimin e mbledhjes, aksionarët e pranishëm dhe me të drejtë vote zgjedhin njërin prej tyre si Kryetari të mbledhjes.

4. Administratori ose anëtar i Këshillit Mbikëqyrës, pavarësisht se nuk është aksionar, ka të drejtën e pjesëmarrjes si edhe të marrë fjalën në çdo mbledhje të Asamblesë së Përgjithshme dhe në mbledhjet e veçanta të aksionarëve, zotërues të aksioneve të klasave të ndryshme.

5. Kryetari, me pëlqimin e Asamblesë së Përgjithshme të mbledhur në pajtim me kuorumin e caktuar nga Ligji, mund (dhe është i detyruar nëse kërkohet nga Asambleja e Përgjithshme), të shtyjë mbledhjen e Asamblesë së Përgjithshme, por në mbledhjen e e dytë mund të diskutohen vetëm ato çështje të cilat do të ishin diskutuar rregullisht nëse nuk do të ishte shtyrë mbledhja e mëparshme. Kur mbledhja e Asamblesë së Përgjithshme shtyhet të paktën katërmëdhjetë ditë, njoftimi do të kryhet të paktën shtatë Ditë të Plota përpara kësaj date dhe në të do të përcaktohet ora dhe vendi i mbledhjes së shtyrë dhe përshkrimi i përgjithshëm i rendit të ditës. Në rast të kundërt, dhënia e njoftimit nuk është e nevojshme.

6. Asambleja vendos me votim të hapur me përjashtim të rastit kur përpara ose gjatë deklarimit të rezultatit, nuk kërkohet në mënyrën e duhur një votim i fshehtë. Votimi i fshehtë mund të kërkohet nga:

a. Kryetari

b. Aksionarët që përfaqësojnë të paktën pesë për qind të kapitalit themeltar të Shoqërisë. Kërkesa e bërë nga një përfaqësues i autorizuar i aksionarit ka të njëjtën vlerë me kërkesën e paraqitur nga vetë aksionari.

7. Me përjashtim të kundërshtimit të një aksionari, deklarimi i Kryetarit se vendimi është marre në mënyrë unanime, ose me një shumicë të caktuar, nuk është miratuar ose nuk

është miratuar me një shumicë të caktuar dhe regjistrimi përkatës në procesverbalin e mbledhjes, përbën provë përfundimtare të këtij fakti, pa pasur nevojë për numërimin e votave të regjistruara pro ose kundër vendimit.

8. Në rast se ka kundërshtime për këtë deklaratë, do të zhvillohet një votim i fshehtë në lidhje me përcaktimin e numrit të votave pro dhe kundër vendimit.

## Neni 15

### Votat e Pjesëmarrësve

1. Në përputhje me të drejtat ose kufizimet që rrjedhin nga aksionet, çdo aksion i jep aksionarit (në rastin kur është individ) të pranishëm apo përfaqësuesit të tij të autorizuar ose aksionarit (në rastin kur është person juridik) i cili është i pranishëm përmes përfaqësuesit ligjor apo përfaqësuesit të autorizuar në mënyrë të rregullt, të drejtën e një vote.

2. Asnjë aksionar nuk voton në mbledhjen e Asamblesë së Përgjithshme apo në mbledhjet e veçanta të zotëruesve të aksioneve të klasave të ndryshme, personalisht ose nëpërmjet përfaqësuesve, në lidhje me aksionet e zotëruara prej tij, nëse nuk ka shlyer tërësisht detyrimet që kanë të bëjnë me këto aksione.

3. Çdo kundërshtim në kohë për cilësinë e një votuesi do ti komunikohet Kryetarit, vendimi i të cilit do të jetë përfundimtar. Të gjitha votat e pakundërshtuara në një mbledhje ose mbledhje të shtyrë do të jenë të vlefshme.

## Neni 16

### Votimi me Prokurë

1. Përfaqësuesi do të emërohet nga një pjesëmarrës në mbledhje sipas formës së mëposhtme (ose në formën e zakonshme apo formën që mund të miratohet nga Administratorët):

“.....ShA.....

Unë/Ne i/të nënshkruari/t, ....., në cilësinë e aksionarit/aksionarëve të shoqërisë së lartpërmendur, emëroj/më ....., ose në pamundësi të tij, ....., në cilësinë e përfaqësuesit/ve tim/tonë për të votuar në emër/emrat tim/tonë dhe në llogarinë time/tonë në mbledhjen e Asamblesë së Përgjithshme të shoqërisë e cila do të mbahet më ..... 20....., dhe në çdo mbledhje të shtyrë.

Nënshkruar më..... 20.....”.

2. Në rastet kur dëshirohet tu jepet aksionarëve mundësia për ta udhëzuar përfaqësuesin për mënyrën e veprimit, caktimi i përfaqësuesit bëhet sipas formës së mëposhtme (ose në formën e zakonshme apo formën që mund të miratohet nga Administratorët):

“.....ShA.....

Unë/Ne i/të nënshkruari/t, ....., ne cilësinë e aksionarit/aksionarëve të shoqërisë së lartpërmendur, emëroj/më ....., ose në pamundësi të tij, ....., në cilësinë e përfaqësuesit/ve tim/tonë për të votuar në emër/emrat tim/tonë dhe në llogarinë time/tonë në mbledhjen e Asamblesë së Përgjithshme të shoqërisë e cila do të mbahet më ..... 20....., dhe në çdo mbledhje të shtyrë.

Kjo formë do të përdoret për vendimet e përmendura më poshtë:

Vendimi Nr. 1 \*pro \*kundër

Vendimi Nr. 2 \*pro \*kundër.

(\*Fshini zgjedhjen e padëshiruar).

Përveç udhëzimeve të tjera, përfaqësuesi mund të votojë ose abstenojë, siç e quan të arsyeshme. Nënshkruar më..... 20.....”.

3. Caktimi me shkrim i përfaqësuesit ose një kopje e noterizuar apo e miratuar nga Administratorët depozitohet në selinë e shoqërisë ose në një vend tjetër brenda territorit të Republikës së Shqipërisë, siç përcaktohet në njoftimin për mbledhjen e Asamblesë së Përgjithshme ose në ftesën për të caktuar një përfaqësues të dërguar nga shoqëria në lidhje me mbledhjen e Asamblesë së Përgjithshme. Akti i emërimit të përfaqësuesit duhet të depozitohet jo më vonë se 48 orë përpara orës së mbledhjes ose mbledhjes së shtyrë, në të cilën duhet të votojë përfaqësuesi.

4. Në rast se akti i emërimit të përfaqësuesit jepet nëpërmjet komunikimit elektronik të dërguar në adresën elektronike (*email*) sipas përcaktimeve të nenit 4, paragrafi 3, i këtij Statuti, ky akt duhet të merret jo më vonë se 48 orë përpara orës së mbledhjes ose mbledhjes së shtyrë në të cilën duhet të votojë përfaqësuesi.

## Neni 17

### Emërimi i ekspertëve kontabël të autorizuar

1. Asambleja e Përgjithshme cakton një ose më shumë persona fizikë ose një shoqëri ekspertësh kontabël të autorizuar si ekspertë kontabël të autorizuar të shoqërisë për tre vjet me radhë, në pajtim me shkronjën “ç”, pika 2 e nenit 135 të Ligjit. Emërimi behet nëpërmjet një vendimi të Asamblesë së Përgjithshme të marrë me shumicë të zakonshme, i cili nëse miratohet, sjell emërimin e personit të propozuar si ekspert kontabël të autorizuar të Shoqërisë.

2. Gjatë mandatit të tyre, ekspertët kontabël të autorizuar mund të largohen nga detyra vetëm për shkaqe të arsyeshme. Mendimet e ndryshme për metodat e kontabilitetit apo procedurat e kontrollit nuk përbëjnë shkaqe të arsyeshme për largimin ekspertëve kontabël të autorizuar.

3. Eksperti Kontabël i Autorizuar ose shoqëria e Ekspertëve Kontabël të Autorizuar i raporton Këshillit Mbikëqyrës në përputhje me pikën 3 të nenit 20 të këtij Statuti, për çështjet kryesore që rezultojnë nga kontrolli financiar dhe, në veçanti, për dobësi të kontrollit të brendshëm në lidhje me procesin e raportimit financiar.

## **Kreu IV Administratorët**

### **Neni 18**

#### **Emërimi i Administratorëve**

1. Asambleja e Përgjithshme e aksionarëve zgjedh një ose më shumë persona fizikë si Administratorë të Shoqërisë për një periudhë trevjeçare, në pajtim me pikën 2 të nenit 135, pikën 2 të nenit 167 dhe nenin 158 të Ligjit. Emërimet do të jenë individuale dhe sipas një vendimi të Asamblesë së Përgjithshme të aksionarëve sipas pikës 4 të nenit 27 të Statutit, i cili, nëse miratohet, sjell emërimin e personit të propozuar si Administrator të Shoqërisë. Asambleja e Përgjithshme e aksionarëve mund të shkarkojë në çdo kohë Administratorët nga detyra, pa cënuar të drejtat që burojnë nga një kontratë pune e lidhur me shoqërinë.
2. Anëtarët e Këshillit Mbikëqyrës nuk mund të caktohen si Administratorë. Kufizime të tjera lidhur me emërimin e Administratorëve parashikohen në pikën 2 të nenit 158 të Ligjit.
3. Personat e mëposhtëm caktohen si Administratorët e parë të Shoqërisë deri në emërimin e tyre nga mbledhja e parë e zgjedhur nga Asambleja e Përgjithshme.  
Të dhënat e identifikimit: dhe specimenët e nënshkrimit:  
**Alketa Selami** Adresa: L. Lef Sallata, Rr. Veledin Kollozi, Vlorë
4. Administratori Alketa Selami do të caktohet si Kryetar i mbledhjeve të Administratorëve.

### **Neni 19**

#### **Kompetencat e Administratorëve**

1. Politikat tregtare të Shoqërisë do të administrohen dhe Shoqëria do të përfaqësohet nga Administratorët të cilët mund të ushtrojnë të gjitha kompetencat e tyre në përputhje me parashikimet e pikës 2 të nenit 167, shkronjave “a”, “gj”, “h” dhe “i” të pikës 1 të nenit 154, dhe pikave 3 dhe 5 të nenit 158 të Ligjit. Detyrat e Këshillit Mbikëqyrës, në përputhje me parashikimet e pikës 1 të nenit 167 dhe shkronjave “b”, “c”, “ç”, “d”, “dh”, “e”, “ë”, “f”, “g” dhe “i” të pikës 1 të nenit 154 të Ligjit nuk mund t’iu delegohen Administratorëve.
2. Ndryshimet e statutit nga Asambleja e Përgjithshme dhe të udhëzimeve të Këshillit Mbikëqyrës nuk do të shfuqizojnë akte të mëparshme të Administratorëve, të cilat do të ishin të vlefshme nëse ndryshimi nuk do të ishte kryer ose udhëzimi nuk do të ishte dhënë.

### **Neni 20**

#### **Skualifikimi dhe Shkarkimi i Administratorëve**

1. Detyra e Administratorit përfundon në rast se:



- a. personi nuk është më Administrator në bazë të dispozitave të Ligjit përfshirë shkarkimin nga Asambleja e Përgjithshme e Aksionarëve në pajtim me pikën 2 të nenit 167, dhe shkronjën “c” të pikës 2 të nenit 135 të Ligjit;
  - b. personi ndodhet në gjendje paaftësie pagueese;
  - c. personi vuan ose mund të vuajë nga çrregullime mendore;
  - ç. personi jep dorëheqjen nga detyra duke njoftuar shoqërinë, ose
6. ka munguar për më shumë se gjashtë muaj radhazi pa lejen e Këshillit Mbikëqyrës në mbledhjet e Administratorëve të mbajtura gjatë kësaj periudhe dhe Asambleja e Përgjithshme e Aksionarëve vendos ta shkarkojë nga detyra.

## Neni 21

### Mbledhjet e Administratorëve

1. Mbledhjet e Administratorëve do të mbahen sipas nevojave të aktivitetit tregtar të Shoqërisë.
2. Vendimet e mbledhjes së Administratorëve merren me kuorumin e votave që mund të përcaktohet nga Administratorët, dhe në rast se ky kuorum nuk është përcaktuar ai do të jetë dy.
3. Këshilli Mbikëqyrës cakton njërin prej Administratorëve me detyrën e Kryetarit të mbledhjes së Administratorëve, i cili mund të shkarkohet në çdo kohë nga kjo detyrë. Kryetari do të drejtojë çdo mbledhje të Administratorëve në të cilat ai është i pranishëm. Në rast se Kryetari nuk dëshiron të drejtojë mbledhjen apo nuk është i pranishëm brenda pesë minutave nga ora e caktuar për mbledhjen, Administratorët e pranishëm mund të emërojnë njërin prej tyre si Kryetar të mbledhjes.
4. Çështjet e rendit të ditës vendosen me shumicën e votave të pjesëmarrësve. Në rast numri të barabartë votash, vota e Kryetarit do të jetë vendimtare.
5. Të gjitha aktet e kryera nga mbledhja e Administratorëve ose nga persona të cilët veprojnë si Administratorë, pavarësisht nëse bëhet e ditur më vonë se ka pasur mangësi në emërimin e një Administratori ose njëri prej tyre është ka qenë i skualifikuar nga mbajtja e kësaj detyre, ose nuk kishin të drejtë të votonin, do të konsiderohen të vlefshme njëllë sikur këta persona të ishin emëruar rregullisht dhe të ishin cilësuar e të vazhdonin detyrën si Administratorë dhe të kishin të drejtë të votonin në mbledhje.
6. Vendimi me shkrim i nënshkruar nga të gjithë Administratorët që kanë të drejtë të njoftohen për mbledhjen e Administratorëve do të konsiderohet si i vlefshëm dhe i efektshëm njëllë si të ishte miratuar në mbledhjen e Administratorëve, të mbledhur dhe zhvilluar rregullisht.

## Neni 22

### Kufizimet në Votimet e Administratorëve

1 Administratorët nuk do të lidhin marrëveshje ose votojnë në mbledhjen e Administratorëve për çështje në të cilin këta anëtarë kanë, direkt ose indirekt, një interes apo detyrim i cili është material, në kundërshtim ose mund të jetë në kundërshtim me interesat e Shoqërisë, në pajtim me nenin 13 të Ligjit, deri në momentin kur në mbledhjen e Këshillit Mbikëqyrës, të gjithë anëtarët kanë rënë dakord që:

a. të autorizojnë lidhjen e kësaj marrëveshje dhe

b. të autorizojnë këtë anëtar që të votojë në lidhje me këtë çështje.

Autorizimi mund të jetë i përgjithshëm ose i posaçëm për një çështje të caktuar. Zbatohet parashikimi i pikës 2 dhe 5 të nenit 13 të Ligjit.

2. Vota e Administratorit nuk do të llogaritet në kuorumin e pjesëmarrësve në mbledhje në lidhje me vendimin për të cilin ky anëtar nuk ka të drejtë të votojë.

3. Në rast se në mbledhjen e Administratorëve diskutohet një çështje e lidhur me të drejtën e votës së një anëtari të tij, çështja mund të drejtohet Kryetarit të mbledhjes, përpara përfundimit të mbledhjes, dhe vendimi i tij lidhur me çdo Administrator të ndryshëm nga ai vetë do të jetë përfundimtar dhe i formës së prerë.

## **Neni 23**

### **Procesverbalet e Mbledhjeve të Administratorëve**

Administratorët kujdesen që në libra të posaçëm të mbahen procesverbalet e:

1. Të gjitha takimeve të kryera nga Administratorët

2. Të gjitha mbledhjeve të Asamblesë së Përgjithshme, mbledhjet e zotëruesve të aksioneve të klasave të ndryshme ose mbledhjet e Këshillit Mbikëqyrës në të cilat kanë marrë pjesë Administratorët dhe mbledhjet e Administratorëve, përfshirë edhe emrat e Administratorëve të pranishëm në këto mbledhje.

## **Kreu V**

### **Këshilli Mbikëqyrës**

## **Neni 24**

### **Emërimi i anëtarëve të Këshillit Mbikëqyrës**

1. Asambleja e përgjithshme në bazë të VKM Nr.570, datë 03.10.2018l, pika 1, gërma "a" emëron 3 anëtarë, në cilësinë e anëtarëve të Këshillit Mbikëqyrës në përputhje me shkronjën "c" të pikës 2 të nenit 135, pikës 4 të nenit 167 dhe pikës 2 të nenit 155 të Ligjit. Emërimet do të jenë individuale dhe në përputhje me vendimin e mbledhjes së Asamblesë së Përgjithshme të marrë me shumicë votash, i cili, nëse miratohet, sjell emërimin e personit të propozuar si anëtar të Këshillit Mbikëqyrës. Anëtarët e Këshillit Mbikëqyrës mund të shkarkohen nga detyra në çdo kohë nga Asambleja e Përgjithshme, pa cënuar të drejtat që burojnë nga një kontrate pune e lidhur me Shoqërinë.

2. Nuk mund te zgjidhen në cilësinë e anëtarit të Këshillit Mbikëqyrës, Administratorët e Shoqërisë dhe të shoqërive të të njëjtit grup apo personat e lidhur me ta në përputhje me parashikimet e pikës 3 të nenit 13 të Ligjit. Kufizimet e tjera për emërimin e anëtarëve të Këshillit Mbikëqyrës parashikohen në nenin 156 të Ligjit.

3. Shumica e anëtarëve të Këshillit Mbikëqyrës duhet të jenë të pavarur sipas parashikimeve të pikave 1 dhe 4 të nenit 155 të Ligjit.

4. Këshilli Mbikëqyrës mund të emërojë një person i cili dëshiron të ushtrojë detyrën e anëtarit të Këshillit Mbikëqyrës për të plotësuar një vend të lirë ose si një anëtar tjetër shtesë, me kusht që të mos tejkalohet numri i anëtarëve të përcaktuar në pikën 1 të këtij neni. Kohëzgjatja në detyrë e anëtarit të emëruar në këtë mënyrë është deri në mbledhjen vjetore vijuese të Asamblesë së Përgjithshme.

## Neni 25

### Kompetencat e Këshillit Mbikëqyrës dhe të Komiteteve së tij

1. Këshilli Mbikëqyrës nuk merr pjesë në administrimin e Shoqërisë. Këshilli Mbikëqyrës vëzhgon dhe mbikëqyr zbatimin e politikave tregtare nga administratorët dhe kontrollon pajtueshmërinë me kërkesat e Ligjit dhe të Statutit. Detyrat e Këshillit Mbikëqyrës të përcaktuara nga pika 1 e nenit 167, shkronjat "b", "c", "ç", "d", "dh", "e", "ë", "f", "g" e "i" të pikës 1 dhe pika 2 e nenit 154 të Ligjit nuk mund t'iu delegohen Administratorëve.

2. Këshilli Mbikëqyrës mund t'ia delegojë kompetencat e veta një komiteti që përbëhet nga një ose më shumë anëtarë të Këshillit Mbikëqyrës. Ky delegim mund të bëhet në përputhje me kushtet që mund të vendosen nga Këshilli Mbikëqyrës e mund të revokohet ose ndryshohet. Këshilli Mbikëqyrës nuk mund të delegojë asnjë nga detyrat të cilat i ngarkohen në pajtim me dispozitat ligjore.

3. Në përputhje me sa më sipër, Këshilli Mbikëqyrës krijon

a. një komitet i cili përcakton standardet për emërimin e Administratorëve nga Asambleja e Përgjithshme;

b. një komitet i cili përcakton skemën e shpërblimit dhe shpërblimin individual të Administratorëve dhe anëtarëve të Këshillit Mbikëqyrës;

c. një komitet për kontrollin e mbarëvajtjes dhe kontabilitetit të Shoqërisë.

Komitetet përbëhen nga një ose më shumë anëtarë të Këshillit Mbikëqyrës shumica e të cilëve duhet të jenë të pavarur.

4. Komitetet e emërimit, shpërblimit dhe kontrollit japin rekomandime të cilat synojnë përgatitjen e vendimeve që duhen marrë nga Këshilli Mbikëqyrës. Qëllimi kryesor i komiteteve është rritja e efikasitetit të Këshillit Mbikëqyrës duke u kujdesur që vendimet të merren në mënyrën e duhur si edhe të ndihmojnë organizimin e punës me synim sigurimin e vendimmarrjes që nuk përbën konflikt të interesave materiale. Krijimi i komiteteve nuk zhvendos çështjet e marra në shqyrtim nga Këshilli Mbikëqyrës i cili mbetet organi përgjegjës për vendimet e marra në fushën e tij të kompetencës.

5. Në veçanti, komiteti i kontrollit financiar:

a. mbikëqyr procesin e raportimit financiar;

b. mbikëqyr efektivitetin e sistemit të kontrollit të brendshëm dhe sistemit të administrimit të reziqeve;

c. mbikëqyr kontrollin e bilanceve vjetore dhe të konsoliduara, sipas Statutit;

ç. shqyrton dhe mbikëqyr pavarësinë e ekspertëve kontabël të autorizuar ose të shoqërisë së ekspertëve kontabël të autorizuar dhe, në veçanti, ofrimin e shërbimeve të tjera shtesë për subjektin e kontrolluar.

6. Bazuar në vendimet e komisioneve të tij, Këshilli Mbikëqyrës:

a. i paraqet propozime Asamblesë së Përgjithshme në lidhje me emërimin e Administratorëve dhe Ekspertëve Kontabël të Autorizuar;

b. harton raportin mbi ecurinë e veprimtarisë sipas me nenit shkronjës "e" të pikës 1 të neni 154 të Ligjit dhe ia dorëzon atë Asamblesë së Përgjithshme sipas pikës 3 të neni 137 të Ligjit;

c. harton raportin vjetor për drejtimin e brendshëm të shoqërisë dhe kualifikimin e Administratorëve dhe anëtarëve të Këshillit Mbikëqyrës dhe e bën publik atë sipas parashikimeve të pikës 2 të neni 134 të Ligjit.

7. Asnjë ndryshim i Statutit dhe udhëzim i Asamblesë së Përgjithshme nuk mund të bëjë të pavlefshme veprimet e mëparshme të Këshillit Mbikëqyrës të cilat do të kishin qenë të vlefshme nëse nuk do të ishte bërë ndryshimi apo nëse nuk do të ishte dhënë udhëzimi.

## Neni 26

### Skualifikimi dhe largimi i anëtarëve të Këshillit Mbikëqyrës

1. Detyra e anëtarit të Këshillit Mbikëqyrës përfundon në rast se:

a. personi pushon së qeni anëtar i Këshillit Mbikëqyrës në bazë të dispozitave të Ligjit duke përfshirë parashikimet e pikës 4 të neni 167 dhe neni 157.

b. personi ndodhet në gjendje paaftësie paguese;

c. personi vuan ose mund të vuajë nga çrregullime mendore;

ç. personi jep dorëheqjen nga detyra duke njoftuar shoqërinë, ose

d. ka munguar për më shumë se gjashtë muaj radhazi pa lejen e anëtarëve të tjerë të Këshillit Mbikëqyrës në mbledhjet e këtij këshilli të mbajtura gjatë kësaj periudhe dhe Asambleja e Përgjithshme, me propozim të Këshillit Mbikëqyrës, vendos ta shkarkojë nga detyra.

## Neni 27

### Mbledhjet e Këshillit Mbikëqyrës

1. Mbledhjet e Këshillit Mbikëqyrës do të mbahen të paktën katër herë në vit sipas nevojave të aktivitetit tregtar të Shoqërisë, derisa Asambleja e Përgjithshme të vendosë me shumicë të zakonshme votash mbi shpeshësinë e këtyre mbledhjeve.

2. Vendimet e Këshillit Mbikëqyrës merren me kuorumin e përcaktuar në pikën 5 të neni 167 dhe neni 162 të Ligjit. Anëtarët e Këshillit Mbikëqyrës mund të marrin pjesë në

mbledhje nëpërmjet mjeteve elektronike të komunikimit përfshirë komunikimin video dhe audio konferencë. Ata mund të marrin pjesë në votime duke përdorur numrin PIN të lëshuar çdo anëtarë në momentin e emërimit.

3. Anëtarët e Këshillit Mbikëqyrës emërojnë njërin prej tyre si Kryetar të mbledhjes, i cili mund të shkarkohet në çdo kohë nga kjo detyrë. Kryetari do të drejtojë çdo takim të Këshillit Mbikëqyrës në të cilin ai është i pranishëm. Në rast se Kryetari nuk dëshiron të drejtojë mbledhjen apo nuk është i pranishëm brenda pesë minutave nga orari i caktuar për mbledhjen, anëtarët e Këshillit Mbikëqyrës mund të emërojnë njërin prej tyre si Kryetar të mbledhjes.

4. Çështjet e rendit të ditës vendosen me shumicën e votave të pjesëmarrësve. Në rast numri të barabartë votash, vota e Kryetarit do të jetë vendimtare.

5. Të gjitha aktet e kryera nga mbledhja e Këshillit Mbikëqyrës, ose komitetet e anëtarëve të Këshillit Mbikëqyrës, ose nga persona të cilët veprojnë si anëtarë të Këshillit Mbikëqyrës, pavarësisht nëse bëhet e ditur në vijim se emërimi i anëtarit të Këshillit Mbikëqyrës ka pasur mangësi ose këta anëtarë janë skualifikuar nga mbajtja e kësaj detyre, ose nuk kishin të drejtë të votonin, do të konsiderohen të vlefshme njëjloj sikur këta persona të ishin emëruar rregullisht dhe të ishin cilësuar e të vazhdonin detyrën si anëtarë të Këshillit Mbikëqyrës dhe të kishin të drejtë të votonin në mbledhje.

6. Vendimi me shkrim i nënshkruar nga të gjithë anëtarët e Këshillit Mbikëqyrës të cilët kanë të drejtë të njoftohen për mbledhjet e Këshillit Mbikëqyrës ose të një komiteti të Këshillit Mbikëqyrës është njëjloj i vlefshëm dhe i efektshëm sikur të ishte miratuar në mbledhjen e Këshillit Mbikëqyrës ose të komitetit të Këshillit Mbikëqyrës, të mbledhur dhe të zhvilluar rregullisht.

## Neni 28

### Kufizime për votimin e anëtarëve të Këshillit Mbikëqyrës

1. Anëtarët e Këshillit Mbikëqyrës nuk do të lidhin marrëveshje ose votojnë në mbledhjen e Këshillit Mbikëqyrës ose të komitetit të Këshillit Mbikëqyrës mbi çështje për të cilat këta anëtarë kanë, direkt ose indirekt, një interes apo detyrim i cili është material, që është ose që mund të jetë në kundërshtim me interesat e Shoqërisë, në pajtim me nenin 13 të Ligjit, deri në momentin kur në mbledhjen e Këshillit Mbikëqyrës, të gjithë anëtarët kanë rënë dakord që:

a. të autorizojnë lidhjen e kësaj marrëveshje dhe

b. të autorizojnë këtë anëtar që të votojë në lidhje me këtë çështje.

Autorizimi mund të jetë i përgjithshëm ose i posaçëm për një çështje të caktuar. Zbatohet parashikimi i pikave 2 dhe 5 të nenit 13 të Ligjit.

2. Vota e anëtarit të Këshillit Mbikëqyrës nuk do të llogaritet në kuorumin e pjesëmarrësve në mbledhje në lidhje me vendimin për të cilin ky anëtar nuk gëzon të drejtën e votës.

3. Në rast se në mbledhjen e Këshillit Mbikëqyrës diskutohet një çështje e lidhur me të drejtën e votës së një anëtarë të tij, çështja mund të drejtohet Kryetarit të mbledhjes, përpara

përfundimit të mbledhjes, dhe vendimi i tij lidhur me çdo anëtar të Këshillit Mbikëqyrës të ndryshëm nga ai vetë do të jetë përfundimtar.

## **Neni 29**

### **Procesverbalet e Këshillit Mbikëqyrës**

Këshillit Mbikëqyrës është përgjegjës për mbajtjen në libra të posaçëm të procesverbaleve:

1. të gjithë takimeve të Këshillit Mbikëqyrës
2. të gjitha mbledhjeve të Këshillit Mbikëqyrës dhe komiteteve të tij, përfshirë edhe emrat e Administratorëve të pranishëm në çdo mbledhje.

## **Neni 30**

### **Shpërblimi i punës dhe shpenzimet e Administratorëve dhe anëtarëve të Këshillit Mbikëqyrës**

1. Administratorët dhe anëtarët e Këshillit Mbikëqyrës shpërblehen në bazë të skemës së vendosur nga Këshilli Mbikëqyrës dhe të miratuar me vendim të zakonshëm të Asamblesë së Përgjithshme në përputhje me parashikimet e pikës 1 të nenit 160 të Ligjit.
2. Përfitimet individuale përcaktohen nga Këshilli Mbikëqyrës. Ato duhet të pasqyrojnë në mënyrë të përshtatshme detyrat e Administratorëve dhe anëtarëve të Këshillit Mbikëqyrës në lidhje me skemën e përmendur në pikën 1 të këtij neni të statutit dhe gjendjen financiare të Shoqërisë.
3. Me miratimin e Asamblesë së Përgjithshme, Këshilli Mbikëqyrës mund të shpërndajë shpërblime në para, pensione, sigurime ose forma të tjera, për ata Administratorë ose anëtarë të Këshillit Mbikëqyrës të cilët kanë pasur detyra dhe kanë punuar më parë për Shoqërinë ose kanë pasur detyra në organe të saj, shoqëri të tjera të cilat janë ose kanë qenë shoqëri të kontrolluara ose për shoqëri paraardhëse të shoqërisë ekzistuese ose të filialeve të saj, ose për çdo familjarë të tyre (përfshirë bashkëshortin/en, ish-bashkëshortin/en) ose persona të cilët janë ose ishin në varësi të tyre, dhe Këshilli Mbikëqyrës mund të paguajë kontribute në fonde të caktuara për dhënien e përfitimeve të tilla.
4. Administratorëve dhe anëtarëve të Këshillit Mbikëqyrës mund t'iu paguhen të gjitha shpenzimet e udhëtimit, hotelit dhe shpenzime të tjera në lidhje me përmbushjen e detyrave të tyre.

## **Neni 31**

### **Hetimet e posaçme dhe mbikëqyrja**

Çdo person ose personat që plotësojnë kushtet për të kërkuar emërimin ose zëvendësimin e një eksperti të posaçëm në bazë të nenit 150 të Ligjit ose për të kërkuar nga Këshilli Mbikëqyrës që të kryejë detyrat e tij në rastet e veçanta të parashikuara nga pika 2 e nenit 166, dhe neni 165 i Ligjit, depozitojnë në selinë e shoqërisë dokumentin e noterizuar i cili vërteton se ky/këta persona plotësojnë kushtet për të kryer këtë veprim.

## **Kreu VI**

### **Dividendët dhe Kalimi i Fitimeve në Kapitalin Themeltar**

#### **Neni 32**

##### **Dividendët**

1. Në përputhje me dispozitat e Ligjit, shoqëria me shumicë të zakonshme të votave së Asamblesë së Përgjithshme mund të deklarojë dividendët në përputhje me të drejtat përkatëse të aksionarëve.
2. Me përjashtim të rasteve kur parashikohet ndryshe nga të drejtat që lidhen me aksionet, të gjithë dividendët deklarohen dhe paguhen në përputhje me shumat e paguara për aksionet për të cilët paguhet dividendi. Të gjithë dividendët pjesëtohen dhe paguhen në përpjesëtim të drejtë me shumat e paguara për aksionet, pjesës ose pjesëve të periudhës për të cilën paguhet dividendi; në rast se aksioni emetohet me kushtin e përfitimit të dividendit nga një datë e caktuar, dividendi do të paguhet në përputhje me këtë kusht.
3. Asnjë dividend ose pagesë në para që lidhet me një aksion nuk prodhon interesa kundrejt shoqërisë nëse një gjë e tillë nuk parashikohet në të drejtat e aksionit.
4. Çdo dividend që nuk është kërkuar të paguhet brenda dymbëdhjetë vjetëve nga data e maturimit, në rast se vendoset nga Asambleja e Përgjithshme, do të përfitohet nga shoqëria e cila nuk do të jetë më e detyruar që ta paguajë atë.

#### **Neni 33**

### **Kalimi i Fitimeve në Kapitalin Themeltar**

Administratorët, pas vendimit të marrë nga Asambleja e Përgjithshme me shumicë të kualifikuar votash sipas kuorumit të përcaktuar nga neni 145 i Ligjit, mund të vendosë të kalojë në kapitalin themeltar të Shoqërisë fitimet e pashpërndara të cilat nuk do të përdoren për të paguar dividendë preferencialë apo shuma të tjera të parashikuara për rezerva ligjore ose kapitali.

## **Kreu VII**

### **Prishja dhe njoftimet**

## Neni 34

### Prishja dhe likuidimi

Në rast të likuidimit të Shoqërisë, likuiduesi, në përputhje me Ligjin dhe me vendimin e posaçëm të Asamblesë së Përgjithshme të marrë me shumicë të kualifikuar, mund të shpërndajë në dobi të aksionarëve të gjithë ose një pjesë të vlerës së pasurive të Shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis aksionarëve ose atyre që zotërojnë aksione të klasave të ndryshme të Shoqërisë.

## Neni 35

### Njoftimet

1. Njoftimet e kryera nga çdo person sipas parashikimeve të Statutit, duhet të jenë me shkrim ose nëpërmjet komunikimit elektronik në adresën e parashikuar në pikën 3 të nenit 4 të këtij Statuti janë të vlefshme në lidhje me kohën e njoftuar për këtë qëllim dhe personin që kryen njoftimin.
2. Shoqëria mund t'i japë njoftim një aksionari, personalisht ose duke e dërguar me letër porosi me kthim përgjigje në adresën e regjistruar të aksionarit ose në adresën apo postën elektronike e cila i është njoftuar Shoqërisë nga aksionari. Kur ka disa bashkëzotërues të një aksioni, të gjitha njoftimet i jepen përfaqësuesit të tyre të përbashkët.
3. Ky Statut së bashku me ndryshimet dhe të gjitha dokumentet, raportet, komunikimet dhe procesverbalet e dhëna nga Shoqëria do të publikohet nga Administratorët në faqen e internetit të Shoqërisë, sipas parashikimeve të pikës 2 të nenit 4 të këtij Statuti.

### Emrat dhe nënshkrimet e Aksionarëve Themelues:

- BASHKIA VLORE, në cilësinë e aksionerit të vetëm të shoqërisë

**BASHKIA VLORE**

KRYETAR

Ermal DREDHA





C.Nr. 90/11 prot.  
dt. 26.09.2023.



REPUBLIKA E SHQIPËRISË  
BASHKIA VLORE  
DREJTORIA JURIDIKE

Nr. 1361 prot.

Vlorë, më 25.09 2023

VENDIM I ASAMBLESË SË PËRGJITHSHME

Nr. 3 Datë 25/09/2023

RIZGJIDHJE ADMINISTRATORI NË SHOQËRINË “TRAJTIMI I  
STUDENTËVE” SH.A VLORE

Mbështetur në Ligjin Nr.9901, datë 14.04.2008 “Për tregtarët dhe shoqëritë tregtare” i ndryshuar, Ligjin Nr.7926, datë 20.04.1995 “Për transformimin e Ndërmarrjeve Shtetërore në Shoqëri Tregtare” i ndryshuar, dhe statutit të shoqërisë, me cilësinë e aksionerit të vetëm të shoqërisë “Trajtimi i Studentëve “ Sh.a, Vlorë

VENDOSA

1. Rizgjidhjen e Znj. Alketa Selami, në detyrën e Administratorit të shoqërisë “Trajtimi i Studentëve “ Sh.a, Vlorë.
2. Në zbatim të Ligjit Nr.9723, datë 03.05.2007 “Për Regjistrimin e Biznesit”, të ndryshuar, Seksioni III, regjistrimi fillestar, neni 32,36, të bëhen ndryshimet përkatëse në regjistër.
3. Ky vendim hyn në fuqi menjëherë.

KRYETARI

**Ermal DREDHA**



Nr. 93 Prot  
Dt/21-09-2023



REPUBLIKA E SHQIPËRISË  
BASHKIA VLORË  
DREJTORIA JURIDIKE

Nr. 1192 Prot.

Vlorë, më 21.09 2023

Lënda: Dërgim Informacioni

**SHOQËRIA "TRAJTIMI STUDENTËVE" SH.A**

Vlorë

Bashkëlidhur po ju dërgojmë Vendimin nr.02 datë 18.09.2023 të Asamblesë së Përgjithshme të Shoqërisë "Trajtimi i Studentëve" Sh.a

**KRYETARI**

**Ermal DREDHA**





REPUBLIKA E SHQIPËRISË  
BASHKIA VLORË  
KRYETARI

Nr. 11005 prot.

Vlorë, më 18.09. 2023

**VENDIM I ASMBLESE SE PERGJITHSHME**

Nr. 02 Datë 18/09 /2023

**EMËRIM NË KËSHILLIN MBIKQYRËS**

Mbështetur në Ligjin Nr.9901, datë 14.04.2008 “Për tregtarët dhe shoqëritë tregtare” i ndryshuar, Vendim Nr.570, datë 03.10.2018 “Për Këshillat Mbikqyrës të Shoqërive Aksionare Shtetërore” dhe Vendim Nr.349, datë 07.06.2023 “Për transferimin e pronësisë së 100% te aksioneve të shoqërisë “Trajtimi i Studentëve”, Sh.a Vlorë, nga Ministria e Financave dhe Ekonomisë të Bashkia Vlorë”, me cilësinë e aksionerit të vetëm të shoqërisë “Trajtimi i Studentëve”, Sh.a Vlorë:

**VENDOSA**

- Emërimin në detyrën e anëtarëve të Këshillit Mbikqyrës të shoqërisë “Trajtimi i Studentëve” Sh.a Vlorë:
  - Z.Dorian Demiri
  - Znj.Jonela Halili
  - Znj.Xhuli Kasëmi

- Në zbatim të Ligjit Nr.9723, datë 03.05.2007, i ndryshuar “Për Qendrën Kombëtare të Regjistrimit” Seksioni III, regjistrimi fillestar, neni 32,36, të bëhen ndryshimet përkatëse në regjistër.

**KRYETARI**

**Ermal Dredha**

